

Piştî ku hejmarek endamên berjewendîxwaz di roja
06.12.2006'an, cudabûna xwe ji refa xebatkarên PDK
Îranê îlan kirin, civatên xelkê Kurdistana Îranê bi
awayekî berfireh piştigiriya xwe li partiye nîşan dan.
Agahiyên berfireh di vê derbarê de
li ser malpera me bixwinin ...

Rojnameya panzdehrojî ya siyasî, çandî û giştî

Partiya Demokrat ya Kurdistana Îranê diweşîne

Rêzdar Mistefa Hicrî, Sekreterê Giştî yê PDK Îranê:

“Dîroka neteweya kurd û PDK Îranê, xebat û fidakariyên Pêşmergeyan di derbasbûyî û qonaxa niha de tomar dike û cihê wan girûp û taqimên cudabûyî jî diyarî kiriye û dê diyarî bike”

Beyannameya Komîteya
Navendî Ya PDK Îranê



2

Daxuyaniya Binyata Dr. Qasimlo,
Ji Bo Lêkolîn û Geşepêdayîna
Siyasî û Rêxistinî



2

Peyama Kekê Mistefa Hierî, Bi
Hinceta Cudabûna Hejmarek Ji
Kadro û Pêşmergeyan Li PDK
Îranê



3

Daxuyaniya Deftera Siyasî ya PDK
Îranê derheq rapora “Baker –
Hamilton” de



4

Peyamên Piştigiri Ji PDK Îranê Bi
Hinceta Cudabûna Hejmarek Ji
Kadro û Pêşmergeyan Li Partiyê

5

Sosyolojîya Cıvax û Edebiyata
Kurdî



8



Pîroz be 26'ê Sermawezê, Roja Pêşmergeyê Kurdistanê

Pêşmerge Milê Bi Qawet Yê Gel E

Fîlma "Firmêskên Bêxal"
Beşdarî Festîvala Fîlmên Kurdî
Li Londonê Dibe



Rûpela 8

Adar Jiyan:

“Heta ku zimanek
nebe zimanê zanîn û
perwerdehiyê û ber û
berhemên cur bi cur
bi wî zimanê neyên
nivîsandin, yekîtiya wî
zimanî pêkan nabe”



Rûpela 10-11

Beyannameya Komîteya Navendî Ya PDK Îranê

Hewelatîyên hêja!
Civatên azadîxwaz yê xelkê
Kurdistanê!

**Endam û alîgirên xebatkar yê PDK
Îranê!**

Partî û rêxistinên siyasî!

Dost û dilsozên tevgera kurd!

Di rewşekê de ku pêvajoya bûyerên herêmê di berjewendîya Kurdan de diçe pêş û aso û pêşeroja xebata azadîxwazane ya gelê Kurd li Kurdistanê Îranê geş û rontir dike berçav, di vê dema hesas û hestiyar de ku rejîma Komara Îslamî li hundir û derve de ketiye bin zext û givaşê tevgera Kurd, ji hemû demekê bêtir hewcehî û pêwîstî bi yekîtiyê yekrefiyê heye, mixabin hejmerek ji Kadro û Pêşmergeyên partiyê serbarê hemû dilfirehiya rêberiya partiyê û cehd û tekoşîna dost û dilsozên Kurd, nemaze du hêzên me yê bira, Partiya Demokrat ya Kurdistanê û Yekîtiya Nîştîmanî ya Kurdistanê ji bo mana vê komê di nava refên PDK Îranê de, ji berrav 15.09.1385'ê Rojî, hemberî 06.12.2006'ê Zayînî, bi derkirina beyannameyekê cudabûna xwe ji Partiya Demokrat ya Kurdistanê Îranê îlan kirine.

PDK Îranê serbarê xuyakirina pênxweşbûna xwe ji helwesta van birayane, radigehîne ku rêberiya partiyê piştî çendîn civînan û bas û gotûbêj li ser daxwaza wan û heta qebûlkirina beşeke berbiçav ji daxwazîyên wan – her çend ne rewşa jî bûbin - di rêya parastina hevxebatî û yekrefiya partiyê de liberçav hatine girtin, bi vî halî jî ev hejmerek ji Kadro û Pêşmergeyên partiyê ji dilfirehî û merema pak ya rêberiya partiyê mifaheke xirab wergirtin û roj bo rojê hêcet û mihaneyên cur bi cur û şert û pêşmercên nû ji bo diyalogê dianîn holê û daxwaza dawî ya rêberiya partiyê ji bo civîyan û domandina gotûbêj û diyalogan bi armanca çareserkirina wan pirsgirêkên ku bi xwe ji roja piştî bi dawî hatina Kongireya Sêzdehem ve ji bo partiyê çê kirin û car bo carê zêdetir û berfirehtir kirin, ret û mande kirin, hetanî wî cihî ku bi kiryar

refa xwe ji PDK Îranê cuda kirin û niha jî ew cudakirine bi fermî îlan kirine û bi ser partiyê de sepandine.

Ezîzno!

PDK Îranê, partiya **Pêşewa Qazî Mihemedê nemir** û **Dr. Ebdulrehman Qasimloyê Rêber** û **Dr. Sadiq Şarefkendiyê zana**, di pêvajoya xebata 61 saliya xwe de gelek caran tevî rewşeke bi vî awayî berbirû bûye, gelek caran ev rêberên me yê şehîd bi awayên cuda cuda hatine



tometbarkirin û heta hejmerek ji Kadro û Pêşmergeyên partiyê di dema jiyân û rêberîkirina wan de refên partiyê bi çî hêlane û nav û natore ji wan dane. Lê her wekî wan rêberane bi xwe emir kirine, ev partiyê bi van cure helwest û lêveqetiyane jar nebûye û lawaz jî nabe û di bin tu zext, givaş û berpêng û astengpêkanînekê de ji pêvajoya demokaratbûn û pîrensîpên demokartîk ên xwe dûr neketiye û dûr nakeve. Xuya ye piştî şehîdbûna wan rêberane jî ecêb nîne ku dirêjederên rêya wan tevî van cure helwest û jêveqetiyane rû bi rû bibin. Lê bi domandina rê û rêbaza wan rêberên şehîd ji aliye rêvîngên wan û bir û ramanên hûr û rastbîn yê civatên xelkê Kurdistanê, hemû carekê rastî û dirustî derketine û vê care jî xelk bi çaveke vekirî dinêrîne rastî û dirustiyên û gelek zû hest pê dikin ku rêberiya

partiyê çî dilsozî û dilfirehiyek bona parastina hevxebatî û yekrefiya partiyê ji xwe nişan daye, kê li ser jî hev cudabûnê û nehêlana pêvajoya gotûbêjan bi armanca çareserkirina wan arîşe û pirsgirêkên ku bi neheq û narewa ji bo partiyê hatin pêkanîn, tekezê dike û bi îsrar bûye û heta kê taba wan hemû karnekirin û berlêgirtin ji ber bi pêşveçûna pêvajoya tekoşîn û xebata partiyê kiriyê?

Serbarê vê çendê ku em bi vê helwesta ku hejmerek ji Kadro û Pêşmergeyên berê yê partiyê girtine ber xwe, aciz û nerehet in, hemû hewl û tekoşîna me di pêvajoya xebatê de bi hemû awayên wê tenê û tenê rû ji Komara Îslamî ya Îranê wekî dujmin û zevtkerê maf û azadiyên neteweyên Îranê û xelkê Kurdistanê dibe.

Siyaset û helwesta PDK Îranê di pêşerojê de jî her li ser vê pêvajoyê û rêbazên dibe ku hetanî niha rêberên me yê mezin û şehîd **Qazî, Qasimlo, Şarefkendî** hebûne û li ser wan bi îsrar bûye û niha jî ev rêberane di bir û ramanê me de zindî û bi me re ne.

Silav li canê paqij yê wan şehîdên me û tev şehîdên gel û partiyê

Silav li malbatên birêz yê wan şehîdan û hemû girtiyên siyasî

Silav li xelkê xebatkar û qehreman yê Kurdistanê, piştevan û piştgirê herdem yê Partiya Demokrat

Silav li endam û xebatkarên Partiya Demokrat û rêvîngên rêberên me yê serbilind û şehîd, Qazî, Qasimlo û Şarefkendî

Silav li Kadro û Pêşmergeyên Partiya Demokrat ya Kurdistanê Îranê

Silav li Partiya pêşeng û xweştevî ya gelê Kurd li Kurdistanê Îranê, Partiya Demokrat ya Kurdistanê Îranê

**Partiya Demokrat ya Kurdistanê
Îranê**

Komîteya Navendî

15.09.1385

06.12.2006

Daxuyaniya Binyata Dr. Qasimlo, Ji Bo Lêkolîn û Geşepêdayîna Siyasî û Rêxistinî



Bi xweşî ve, em avabûna Binyata Dr. Qasimlo, ji bo lêkolîn û geşepêdayîna siyasî û rêxistinî îlan dikin.

Di mîdehê jiyana siyasî ya xwe de, Dr. Qasimlo, sembola zansit, pêşkevînxwazê, bîra rasyonel (hişyarane) û rêbereke xwedî bername û stratejiya rohn û zelal bû. Her çend ku tejiyêkirina cihê vala yê Dr. Qasimlo nemumkin e, lê ji bo pêkanîna civateke tevgir weke wî rêberê leheng, aliye kêma komkirina çendîn yeke û aliyên hewce ye. Ji aliyeke din ve, bûyerên Kurdistanê, guhertinên civaka kurdewarî û bûyerên cihana derdora me, hewcehî û pêdiviya xwe amadekirina nîfşa nû ji bo xwe rêxistin li gor pêwîstiyên sedsala cihanîbûnê (gilobalîzmê) rojevîtir dike.

Ji bo naskirin û geşepêdayîna bir û ramana nûxwazane ya Dr. Qasimlo û bilindhîlgirtina buhaya şirove û dahûrandina zanstî û herwiha haydana ciwan û nûgihîştîyên Kurd û ji bo xwendin û xwepêgehîndana siyasî û rêxistinî, Binyata Dr. Qasimlo, hewcehiyeke dîrokî ya civaka Kurdewarî û domkerên rêya vê xwendîngeha mirovahî û hesta neteweyî ya gelê Kurd e.

Armancên Binyata Dr. Qasimlo:

- 1- Kom û belavkirina hemû gotin, nivîs û wêneyên Şehîd Dr. Qasimlo.
- 2- Danîna xelata Dr. Qasimlo, ji bo baştirîn lêkolîn, berhemên hunerî, wêneyî, siyasî, zanstî û pirojeyên rêxistinî.
- 3- Encamdana lêkolînan di warên rêxistinî, siyasî, civakî, navneteweyî û hemû aliyan ku pêwendîdar in bi pêşeroja gelê Kurdistanê û

PDK Îranê.

4- Belavkirina encam û netîceyên lêkolînan ji bo navendên pêwendîdar.

5- Pêkanîna semînar, civîn û kombûnên cur bi cur ên perwerdehî û zansitî li ser navê avakirin û damezrandina gotûbêja hindurîn a Kurdan û geşepêdana hemwariya siyasî li tevgera neterweyî ya gelê Kurd li Rohhilatê Kurdistanê.

Di paşerojê nêzîk de em dê pirojeyên nihayî yê Binyata Dr. Qasimlo di malpera binyatê de ku li bin amadekirinê de ye biweşînin.

Binyata Dr. Qasimlo, ji bo lêkolîn û geşepêdana siyasî û rêxistinî

qasimlu.foundation@gmail.com

11.12.2006

Peyama Hevalê Hêja, Kekê Mistefa Hicrî, Sekreterê Giştî Yê Partiyê Bi Hinceta Cudabûna Hejmarek Ji Kadro û Pêşmergeyan Li PDK Îranê

H ewelatîyên birêz!
Civatên xelkê Kurdistanê!
Endam û alîgirên
mandînenas yên Partiya

Demokrat!

Malbatên serbilind yên şehîdan û girtiyên qehreman yên siyasî!

Pêşmergeyên dijminbez ên gel û partiyê!

Partî û rêxistinên siyasî yên Kurdistanê!

Di rewşekê de ku herêma me avisê guhertinên nû bi vîc û qazancê gelên bîndest e û tevgera neteweyî ya kurd hewcehî bi yekrefî, tebayî û hevhelwestiyê heye, di rewşekê de ku guhertinên hundirîn û herêmî û navneteweyî bi giştî di berjewendîya Kurdan û bizava demokratîk û xebata berheq û rewya ya Kurd diçe pêş û aso û pêşeroja xebat û serkevtinê ji her demêke din rontir û zelaltir tê berçav, mixabin hejmarek ji Kadro û Pêşmergeyên berê yên partiyê, di daxuyaniyekê de bi awayekî fermî cudabûn û veqetiyana xwe ji partiya pêşeng a gelê kurd, PDK Îranê, îlan kirin.

Pêkhate û hêvîna van kome Kadroyane pêkhatîye ji wan Kadroyên ku di Kongreya 8'an ya partiyê û di serdemê rêberîkirina rêberên me yên şehîd, Dr. Qasimlo û Dr. Şerefkendî de refên partiya me bicî hiştin û çend kes ji wan kesên ku di Kongreya Sêzdehem ya partiyê û di hîlbijartîneke demokratîk de dengê pêwîst û hitbarê yê Kongrê ji bo endambûna Komîteya Navendî neanîn.

Ev cudabûne di halekê de qewimî ku rêberîya partiyê û ez bi xwe bona hestkirin bi berpirsiyariyê û hesabûna rewşa Kurdistan û Îranê, serbarê:

-Karnekirin û hêcet û mihanegirtina vî komê ji Kadroyên partiyê li pey encamên hîlbijartinan di Kongreya Sêzdehem

-Bezandin û bînpêkirina hêlên sor yên partiyê li ser bîngeha siyasî û rêxistinî

-Pêkanîna rêxistina hember (muwazî) di nava refên partiyê de

-bînpêkirina Pêrewa hundirîn ya partiyê û ayînameyên Komîteya Navendî ku heta berî Kongreya Sêzdem û di dema desthilatdariya xwe de pejirandibûn

Bi hebandin û awayekî serxwe bi wan re rîftar û livîn hatiye kirin û daxwaziyên wan – ji bilî wan xal û bendên ku pêrewa hundirîn rê pêre nedaye yan kêrhatîbûn û desthilata Komîteya Navendî û Deftera Siyasî birîye bin pirsîyarê – ji aliyê partiyê ve hatine qebûlîkirin û rêya gotûbêjê tevî wan nehatiye berbestkirin.

Bi kurtî rêberîya PDK Îranê û dost û dilsozên partiya me ya xebatkar, hemû rêyêke hêja û jêhatî girtin ber xwe, heta van birayane ji wê helwesta ku tu qazancekê nagihîjîne tevgera Kurd û

partiya me ya xebatkar, poşman bikin, lê mixabin hemû ew cehd û hewlane nekarîn kar bikin ser viyan û îradeya cudayîxwaziya vî koma Kadro û Pêşmergeyên berê yên partiya me.

Bêguman bicîhêlana refên partiyê ji aliyê her kes û her hejmarek ji hevalan ve, ji bo tev aliyekê bi giştî û nemaze ji bo xebatkarên Partiya Demokrat, cihê kul û keserê ye û di vî rewşê de helwesta veqetiyên û cudabûna wan hevalane nexweştir û bandorên wê ên xirab jî ji bo tevgerê zêdetir in.

Ezîzino!

Eva ne cara yekemîn e ku veqetiyên di nava refên partiyê de tê holê, belkî berê jî û piştî hatine ser karê rejîma Komara Îslamî û di serdemê jiyân û xebata rêberê me yê mezin de, partiya me berbirûyê 2 bûyerên bi vî awayî bûye, lê piştî her cudabûnekê û kosp û astengên ji wana mezintir jî, rêvîngên rêya pîroz a şehîdên me fêr û hîn bûn ku rêyê nedin qamet û bejna bilind ya vî partiyê biçeme û bi karê berdewam û hêz û şiyana şoreşgerane, ji bo çiyayên serkêş û bilind yên xebat û newestiyânê de tevbigirin û heta bîdestveanîna armanç û hêviyên bilind û pîroz yên neteweya me li Kurdistana Îranê çirke û demekê ji dest nedin. Ez piştrast û arxayîn im vî carê jî bi pêrewî ji rasparde, şîret û rênu mayiyên rêberên me yên şehîd, Qazî, Qasimlo û Şerefkendî û bi hevkarîya berfireh û bêdawî ya civatên xelkê Kurdistanê, bi hêz û qaweta bêdawî ya Kadro û Pêşmergeyên can li ser dest û endam û tagirên me yên fîdaker û xwegorîker, serê partiyê her serfiraz û bilindtir dibe û dilê dost û hevalan şa û kêfxweş.

Bi vî awayî ez hemû azadîxwazên Îranê, civatên xelkê Kurdistanê û dost û dilsozên neteweya xwe piştrast dikim ku PDK Îranê her wekî caran qahîm û xurt di cihê xwe de ye û dê ji dost û dijmin re bide xuyakirin ku li niha û pêşerojê de dê rol û bandoreke berbiçavtir, girîngtir û cihwartir di pêvajoya xebata Kurd de bilîze û îtibar û piestîja ku heye dê biparêze û payebilindtir bike.

Di vî dema hesab de ez daxwazê ji civatên xelkê Kurdistanê, piştevanên herdem û heta ser yên Partiya Demokrat dikin ku bi hêviyêke bilind û mezin di xebatê de berdewam bibin û bi piştgirîkirin ji PDK Îranê piştrast bin, her wekî ku partiya wan ya xweştevî bi piştgiriya wan xatircem û bîneran e.

Çavniheriya me ji Kadro û Pêşmerge û endam û alîgirên partiya me eva ye ku bi karê bêtir, fidakariya pitir, îman û baweriya xurt û qahîmtir mil bidin ber wan erk û wezîfeyan ku ji wan re hatiye diyarîkirin û sipartin. Bêguman dîroka partiyê û tevgera gelê me her wekî kar, xebat û fidakariyên wan yên derbasbûyî tomar kiriye, êş, elem,



zor û zehmetî û fidakariyên vî qonax û dewranê dê zeq û berçavtir ji bo wan tomar bike û cih û warê wan girûp û taqimane jî diyarî kiriye û dê diyarî bike ku di dem û çaxên hesab de pişt li Partiya Demokrat, partiya xweştevî û berdilê gelê Kurd dikin.

Xûşk û birayên min ên hêja!

Ez bi hewce dizanim bi navê PDK Îranê vî rastiyê jî bidim eşkerekirin ku em xwe bi dijminê wan hevalên xwe yên cudabûyî nizanin û amade ne tîkiliyêke dostîniyê tevî wan ava bikin. Lê çawanî û şeklê vî pêwendiyê jî girêdayî bi helwesta wan li hember tevger û bizava Kurd û liv û tevgeriyana wan bi PDK Îranê re ye.

Di dawiyê de ez bi pêwîst dizanim spas û pêzanîna PDK Îranê ji tev wan partî, kesayetî, dost û hevalan re bigehînim ku di vî pîrgirêkê de li qise û gotîna xêr û dilsozî û şîret û rênu mayîkirin xwe neparastin û dirêxî nekirin.

Spas ji bo wê hemû dilsozî, dilnigeranî û xebat û hewildanên endamên partiyê li hundirê welêt û derve ku di heyamê çendîn mehên borî de bi tîkiliya rasterast û ne rasterast, xwestin pêşîya qewimîna vî bûyerê bigirin, lê mixabin bi encama xwe ya dilxwaz negihîştin.

Silav li canê paqij yê rêberên şehîdên me, Qazî, Qasimlo û Şerefkendî û tev şehîdên Kurdistanê

Silav li malbatên birêz yên şehîdan û hemû girtiyên berxweder ên siyasî

Silav li xelkê xebatkar û azadîxwaz yê Kurdistanê, piştevanên hergav yên Partiya Demokrat

Silav li endam, alîgir, Kadro û Pêşmergeyên Partiya Demokrat

Serkeve xebata neteweyî – demokratîk ya gelê Kurd bi rêberîya PDK Îranê

Mirin û neman ji bo rejîma azadîkuj ya Komara Îslamî a Îranê.

10.12.2006

19.09.1385

Daxuyaniya Deftera Siyasî ya PDK Îranê derheq rapora "Baker – Hamilton" de

W elatiyên hêja!
Xortên fidakar yên neteweya Kurd!

Aqibet piştî demeke heta radeyekê dirêj, Komîsyona/Lijneya Amerîkî ya naskirî bi "Baker – Hamilton" ya ji bo niraxandina rewşa Îraqê û peydakirina rêyên çareseriyên bo ji nav birina arîşe û pirsgirêkên serek û bingehîn ên vî welaî hate belavkirin û kete ber çavê rêberên Dewletên Yekbûyî yên Amerîkayê û raya giştî ya çîhanê.

Dem a mirov bala xwe bide naverok û kakila vî raporê û li bendên vî dinihêre, derdikeve holê ku vî raporê bêtir ji vî çendê ku girîngî dabe pêvajoya demokratîk li Îraqê û peydakirina çavkaniyên bingehîn ên van pirsgirêkane, giranî û nirxê yê daye awayên kêmkirina arîşe û pirsgirêkên Dewletên Yekbûyî yên Amerîkayê li Îraqê. Lewra di vî raporê de desthilata hikûmeta Navendî bihêztir û berfirehtir hatiye kirin û desthilat û kêrhatîbûna Hikûmeta Herêma Kurdistanê hem di warê siyasî û hem di warê aborî de berteng hatiye kirin û qanûn û pîrensîpên têkildar bi hikûmeteke federal di Îraqê de dibe bin pirsê. Cuda ji vî çendê, çareserkerina pîrsa Kerkûkê û cî bi cîkirina madeya 140'an hatiye durrxistin û arîşeya lîmêjîn ya Kerkûkê bi awayê niha dihêle, eva jî ne durr e ku arîşe û pirsgirêkên zêdetir û nûtir jê bikeve.

Di vî raporê de girîngî û bihayeke berçav

û xuya ji bo dîtîna ramanên welaî cîran di der barê Îraqê de hatiye dayîn ku eva jî tevî baldan bi helwesta welaî cîran, li hember demokrasî li Îraqê û misogerkerina mafên Kurd di vî welaî de dikare him ji bo çarenivîsa Îraqê û him mafên Kurdan û aliyên din yên Îraqî bi tirs û xeterê re rû bi rû bike ku



Rapora "Baker – Hamilton" tevî nerazîbûna xurt ya Kurdan berbirû bû

bêguman ji bo azadîxwazên Îraqê û gelê Kurd di vî welaî de bi hêsan û sanahî nahê pejirandin. Xasma ku rejîmek wekî Komara Îslamî ya Îranê di tu rewşekê de hazir nabe ji maytêkirin û destêwerdan di nava kar û barên hundirîn yên Îraqê û zêde û berfirekîrîna kiryarên terorîstî û haydana deste û girûpên radikîl û tundrew di vî welaî de dest berde, lewar ye bi liberçavgirtin û girîngîdan bi nêrin û helwesta rejîmeke bi vî awayî li hember

pirsên Îraqê, alîkarîkirin bi xurtbûn û pêşdebirina fitne û dubendixistinên vî rejîmê li Îraqê ye, neku dawî pêhatina rewşê.

Bi giştî ev rapore ne li ser binemaya xwezî û daxwazên gelên Îraqê, belkî li ser bingeha awayê kêmkirina arîşe û pirsgirêkên Amerîka di kirîza niha ya Îraqê de hatiye darêtin û nikare ji bo xelkê Îraqê bi giştî û nemaze ji bo gelê Kurd di vî welaî de çîhê qebûlîkirin û razîbûnê be.

Di vî derheqê de hêja ye hemû azadîxwazên herême, bi taybet xelkê Kurdistanê, bîr û nêrinên xwe li hember naveroka vî raporê binin rojevê.

Partiya Demokrat ya Kurdistanê Îranê, bi liberçavgirtina kêmasî û qusûriyên rapora naskirî bi "Baker – Hamilton", hêvî dike hikûmeta Dewletên Yekbûyî yên Amerîkayê û nemaze Serok Komarê wî welaî bi çaveke vekirîtir ji rastiyên têkildar ên Îraqê re binêre û şekl û şewazekê peyrew nekin (birêve nabin) ku kêmkirina pirsgirêkên li Îraqê bi buha û qîmeta ji nav birina maf û azadiyên xelkê wî welaî bi dawî be û gêre û kêşe jî ne tenê çareser nebin, belkî aloztir û kûrtir bibin. Eşkere ye ku azadîxwazên herême çavnihiyaya vî çendê dikin ku Dewletên Yekbûyî yên Amerîkayê û hêzên hevalbend çawa ku di pêvajoya hilweşandina rejîma dîktatorî di Îraqê de ektîv û bibandor bûn, her bi vî hogiriyê jî alîkarê pêşdeçûna pêvajoya demokrasîyê di vî welaî de û misogerbûn û cîbicîbûna maf û azadiyên wan bibin.

Partiya Demokrat ya Kurdistanê Îranê

12.1.2.2006
21.09.1385

Daxuyaniya YXDK Îranê Bo Eyankirina Piştewaniya Xwe Ji Partiya Demokrat A Kurdistanê Îranê

Xwendekarên xebatkar yên Kurd!
Xwendekarên azadîxwaz li çepera zanîngehan!
Xelkê xebatkar û mafxwaz ê Kurdistanê!

Di halekê de ku rejîma kevneperest a Komara Îslamî û sistema nezani û tarîtiya "Welayeta

Feqîh" Di bin şûnwarên fakterên navneteweyî û herêmi û domkirin û xurtbûna bizava demokrasîxwazî û dadperweriyê, xwastên gelên zulmlêkirî yên Îranê roj li pey rojê ber bi qeder û çarenivîsa neman û jinavçûnê gavan hildigire û di vî qonaxa çarenivîssaz û hesas a xebata Kurd de ku hevpeywendî, yeketî, yekreffî û xebata gelên çewisayî û kanalîzekirina karîna û şiyana Partiyên Siyasî û aliyên cur bi cur yên civakî, fakterên sereke ji bo dawînanî bi jiyê desthilatdariya serberedayî ya Komara Îslamî ne, qat û civatên xelkê xebatkar yên Kurdistanê di heyamên çend rojên borî de şahidê cudabûn di nava refên PDK Îranê de ji aliyê hejmarek ji endamên vî partiyê ve bûn. Vê cudabûnê di medya û ragihandinên giştî de deng veda û xelkê xebatkar û mafxwaz yê Kurdistanê nîgeran kir.

Bi li berçavgirtina rewşek wiha, xuya ye ku gavavêtin bona ji hev veqetiyên û cudabûn ji refên xebatkarên PDK Îranê ji aliyê vî girûpê ve û meşandina kiriyarek wiha tenê li ser bingeha durrbûn ji rastiyên niha û red û mandelkirina bîr û raya giştî ya civatên neteweya me pêk hatiye û cehda vî girûpê ji bo vî yekê ye ku rastiyên li pêxem hêviyên nerewa yên xwe û tenê di rêya berjewendiyên takekesî yên xwe de bin pê bikin.

Bi berhevdan û dahûrandina me, pêkhate û pêşîneya vî girûpê eyankerê vî rastiyê ye ku cehd û tekoşîna wan ji bo derbelêdan bi hitbar û pîrensîpên PDK Îranê û guherîna xebata neteweyî – demokratîk a neteweya Kurd ji bo bizaveke bê nasname û bêkakil û vala bû.

Yekîtiya Xwendekarên Demokrat a Kurdistanê Îranê, her wekî di bername û programa vî yekîtiyê de îşare pê hatiye kirin, piştewanî û pişikdariya çeleng di bizava netewî – demokratîk a neteweya Kurd di çarçoveya armancên sereke yên xwe de daniye û li gor rê û çîh û bingehên xwe, perdehilgirtin ji vî kiriyarê û pêsgirtin ji xelîtandina bîr û raya giştî û êşkerekirina kakila vala û oportanîstî ya vî girûpê bi erkê sereke yê xwe dizane û ev cehda xwe bi gaweke dîrokî ji bo alîkarîkirina bizava neteweyî – demokratîk a neteweya Kurd dizane.

Bi vî awayî jî hemû xwendekarên Kurd weke pêkhateya sereke ya bizava rewşenbîrî û wijdana hişyar û nezza siyasî – civakî a civaka Kurdistanê, daxwazê dike ku di vî derheqê de rola dîrokî a xwe bilîzin û bi mifah wergirtin ji pêwendiyên dînamîkî bi qatên cur bi cur yên xelkê re û piştewanî ji PDK Îranê Kongireya 13'an ya vî partiyê weke çavkaniya rewatîdan bi rêveberî û pêkhateya rêxistinî ya wê, hewl û piştewanê bizava neteweyî – demokratîk a gelê me bin. Bêguman PDK Îranê bi li berçavgirtina pêşketên dîrokî yên xwe di pêvajoya xebata neqetiyayî a xwe de û bi çavkanî wergirtin ji



rêberên şehîd, **Pêşewa Qazî Mihemed**, şehîdê hertim sax **Dr. Qasimlo** û şehîdê zana **Dr. Sadiq Şerefkendi** û bi piştirastbûn bi samana rastîn a xwe ku piştewanî û alîkarîyên cur bi cur yên civatên xelkê Kurdistanê ye. Herwiha rola pêşeng û şoreşvaniya xwe bo rêberîkirina bizava neteweyî – demokratîk a neteweya Kurd li dijî kevneperestiya Melayan û heta hiloşandin û ji navbirina bi tevahî a rejîma desthilatdar dê bidomîne.

Serbilind be Partiya rêberên şehîd, PDK Îranê!

Silav li wijdana hişyar a xelkê Kurdistanê!

Silav li xwendekarên xebatkar!

Yekîtiya Xwendekarên Demokrat a Kurdistanê Îranê

19.09.1385
10.12.2006

Daxuyanî û Peyamên Piştgirî Ji PDK Îranê Bi Hinceta Cudabûna Hejmarek Ji Kadro û Pêşmergeyan Li Partiyê

Xwendevanên hêja! Piştî ku roja 06.12.2006'an hejmarek ji endamên partiyê refên xwe li PDK Îranê veqetandin, civatên xelkê Kurdistanê Îranê li hemû bajarên Kurdistanê, Komîte û Rêxistinên partiyê li derveyî welat, Turkiyê, Kurdistanê azad û herwiha çend partî û rêxistinên parçeyên din yên Kurdistanê ew kiryar şermezarkirin û piştewaniya xwe ji PDK Îranê nîşan dan. Ji ber kêmbûna cih em nikarin ku hemû peyam û daxuyaniyan biweşînin. Hûn dikarin tevaya peyam û daxuyaniyên di vê derbarê de li ser malpera Agirî bixwînin.

<http://www.kurdistanmedia.com/kurmanci/kurmanci.php>

Dxuyaniya Komîteya PDK Îranê Li Birîtaniyayê Derheq Cudabûna Parek Ji Kadro û Pêşmergeyan Li PDK Îranê

Civatên rizgarîxwaz ên Kurdistanê!
Endam, alîgir, Kadro û Pêşmergeyên tekoşer!
Malbatên serbilid ên şehîdên PDK Îranê!

Her wek hûn agehdar in, mixabin roja 06.12.2006'an ya Zayînî hemberî 15.09.1385'an ya Rojî, parek ji Kadro û Pêşmergeyên PDK Îranê ku para herî zaf ya wan her ew kes bûn ku berê û li dema rêberayetiya serdarê demokrasiyê û darêjer û siyasêtgêrê cihanbîniyê, Dr. Qasimloyê nemir de ji bi qazancê xwe derbe ji peykerê PDK Îranê dabûn, niha ji bi belavkirina daxuyaniyekê rêbaza xwe ji rêbaza PDK Îranê cuda kirine.

Eva ku eşkere ye, eva ye ku li dîroka teji li evraz û nişiv a xwe de PDK Îranê bi caran rastî pirsgrîkên han hatiye û sebeb ji vedigere ser berjewendî û kursîxwaziya deste û taqimekê. Her çend ku bînpêkirina biryarên kongireyê vê carê ji birînên kongireya 8'emîn a PDK Îranê vejandin û dilê civatên xelkê Kurdistanê, endam, alîgir û Pêşmergeyên dilsoz û biemeg birîndar kir, lê eva nabe sedema lawazbûn û serxwarbûna PDK Îranê û tu bandorekê naxe ser hewl û çalakîyên siyasî yên partiyê.

Li vir de weke Komîteya PDK Îranê li Birîtaniyayê, em hemû cure berjewendî û kursîxwaziyan mehkûm dikin û piştewani û wefadariya xwe li rêberayetiya PDK Îranê ku Kongireya 13'hemîn a partiyê raweji pê daye, îlan dikin û civatên dilsoz ên xelkê Kurdistanê hêvîdar dikin ku di pêvajoya kar û xebata me de qe tu tiştek kêma nabe û hemû hewl û tekoşîna me, xebata diplomasiyê li çepera nûjen a demokrasi û mafxwaziye di cîhana îro deye. Bi hêvî û piştewaniya we gelê dilsoz ê Kurdistanê û partiya me ya xweştevî hizir û ramanên demokrasiya xwe ji bo pêçdeçûn û pêşeroja partiyê bihêztir dikin.

Civanên demokrat yên îro, tu car rê nadin ku careke din qazanc û desthilatxwazî, partiya me rastî qeyran û jihevqetiyane bike. Divêt ku em hemû bi hev re hewl bidin PDK Îranê çî demê ber bi radikalizmê nevegere. Ji ber ku paşdeçûn û bînpêkirina biryarên Kongireya 13'hemîn dibe sedema xwekujiya siyasî ya siyasêtvanên 61 sal xebat di pêxema serbestî û rizgariyê de û tenê neyar û dijmin pê şad dibin.

Bijî Partiya Demokrat a Kurdistanê Îranê
Serkeve rêberayetiya Kongireya 13'hemîn a PDK Îranê
Mirin û neman bo neyarên gelê Kurd
PDK Îranê – Birîtaniya
08.12.2006

Daxuyaniya Komîteya Ustraliyayê Ya PDK Îranê Derheq Cudabûna Parek Ji Kadro û Pêşmergeyên Partiyê

Hewelatîyên hêja!
Endam û alîgirên PDK Îranê!

Li demekê de ku hevdengî û yekîtiya xebatkarek gelê me hewcehiyêke bi buha û dîrokî ye. Nemaze di rewşa îro de ku rejîma Kurdkuj a Komara Îslamî ya Îranê ji aliyê civaka navneteweyî ve, hêdî hêdî asteng tê kirin û gelê Kurd ji li Kurdistanê Îranê de çavê hêviyê bi xebatkarek demokrat û rêvingên rêya Qazî, Qasimlo p Şrefkendî ve, girêdane, ji bo ku hemû hêz û karîna xwe di pêxema berjewendiyên gel de bixin ser hev û bi hevxebatî û yekdengiyê bi

Daxuyaniya Komîteya Partiya Demokrat Ya Kurdistanê Îranê Li Welatê Fîlandê Li Dor Îlankirina Cudabûna Parek Ji Kadro û Pêşmergeyên Partiyê

Hewelatîyên rêzdar!
Endam û alîgirên PDK Îranê li welatê Fîlandê!

Di rewşê û zirûfa niha ya herêmî, navneteweyî û hundirîn a tevgera neteweyî ya gelê Kurd di Kurdistanê Îranê de, ku hewcehî bi yekîti û yekrefiyê heye, mixabin hejmarek ji Kadro û Pêşmergeyên partiyê rêya xwe ji PDK Îranê cudakirin û bi vî awayî careke din cudabûn bi ser partiya me de dane sepandin.

Komîteya PDK Îranê li welatê Fîlandê, serbarê eyankirina nerazîbûna xwe ji helwesta hejmarek ji hevalên me yên berê, xwe emegdarê siyasê û rêbaza PDK Îranê, partiya Pêşewa Qazî Mihemed, Dr. Qasimlo û Dr. Şrefkendî dizane û îlan dike ku dest ji birêvebirina erkên xwe yên partiyê naberde û xebata xwe ji bo nasandina bizava gelê Kurd ji bo raya giştî ya cîhanê û rêxistinên dost ên demokrat, didomîne.

Di vê rewşê de xebat li dijî rejîma Komara Îslamî ya Îranê û nasandina naveroka dijî gelî a vê rejîmê tenê erkê dirêjîderên rêbaza rastîn a PDK Îranê ye.

Em daxwazê ji endam û alîgirên PDK Îranê dikin ku ji bo wergirtina zanyariyên zêdetir bi vî E-mailê û van hejmar telefonane pêwendiyê bigirin. 0407271023 – 0449156975 – 0442805692 – 041511448782 – 0407709803 – 0414984503 – 0504134189
E-Mail: pdki.finland@gmail.com

Silav li canê paqij yên rêberên me yên şehîd û hemû şehîdên gel û partiyê

Silav li hemû malbatên serbilid ên şehîdan û girtiyên siyasî
Silav li xelkê xebatkâr û berxweder yê Kurdistanê ku hertim piştewanê Partiya Demokrat bûne

Silav li endam û tekoşerên Partiya Demokrat û rêvingên rêberên serbilid û şehîdên me Qazî, Qasimlo û Şrefkendî

Silav li Kadro û pêşmergeyên PDK Îranê
Silav li partiya xweştevî û pêşeng ya gelê Kurd li Kurdistanê Îranê, PDK Îranê!

Komîteya PDK Îranê li Fîlandê
06.12.2006

qzancê gel mifahê ji rewşê û zirûfa rojê werbigirin. Mixabin hejmarek ji Kadro û Pêşmergeyên partiyê biryara cudabûnê dane û refên PDK Îranê bi cî hîştine.

Komîteya PDK Îranê li Ustraliyayê, hevdem tevî derbirîna xem û keserên xwe li hember bûyera han, emegdarî û piştewaniya xwe ji PDK Îranê, partiya Qazî, Qasimlo, Şrefkendî û hezaran şehîdên serbilid û hertim zindî yên gelê xwe îlan dike.

Bijî Kurd û Kurdistanê
Silav li Kadro û Pêşmergeyên biemeg ên PDK Îranê
Serkeve xebata rizgarîxwaz a gelê me, bi rêberayetiya PDK Îranê

PDK Îranê – Komîteya Ustraliyayê
06.12.2006

Daxuyaniya Yekîtiya Jinên Demokrat Ya Kurdistanê Îranê Ji Bo Piştgirî Ji PDK Îranê

Jinên tekoşer û mafxwaz ên gelê Kurd!
Xelkê bi şan û şeref yê Kurdistanê!

Endam, alîgir, dost û heval û xebatkarên YJDK Îranê

Di rewş û halekê de ku pirsra Kurd di asta navneteweyî û devera Rojhilata Navîn de



qonaxeke pir nazik û qedersaz derbaz dike û herwiha rejîma kevneperest û dîktator a rejîma Îslamî ya Îranê di heyamê hemû desthilatdariya xwe de, di astê hundirîn, navçeyî û navneteweyî de ketiyê bin zext û givaşê, hejmarek ji endamên partiyê di berrava 15'ê Sermaweza 1385'ê Rojî, hemberî 06.12.2006'ê Zayînî bi belavkirina daxuyaniyekê cudabûna xwe ji refên xebata PDK Îranê îlan kirin. Ev helweste bû sedema meraq û nîgeraniya xelkê xebatkar yê Kurdistanê û bi taybet jinên mafxwaz û azadîxwaz yê Kurdistanê.

PDK Îranê di dîroka 61 saliya temenê xwe de gelek caran tûşî van terze evraz û nişîv û astengan bûye, lê bi jêhatî û zanebûna rêberiya partiyê û dilsoî û berxwedaniya Kadro û Pêşmergeyên partiyê û piştgiriya bihêz ya civatên xelkê Kurdistanê û bi taybet jinên tekoşer yê Kurd, qurs û qahîmtir ji caran xebat û tekoşîna siyasî ya xwe domandiyê. Bêguman vê carê jî Partiya Demokrat li vê ezmûna destçêkirî bi serbilindî dê der bikeve û em jî weke Yekîtiya Jinên Demokrat a Kurdistanê Îranê piştgiriya xurt û bihêz a xwe ji rêberatiya Kongireya 13'ehem ya partiyê radigihînin. Em li ser vê bawerê ne ku bi tekoşîna hemû aliyekê dikarin ku hêvî û xweziyên şehîdên gel û partiyê û li serveyî hemûyan, **Pêşewa Qazî Mihemed, Dr. Qasimlo û Dr. Şrefkendî** bi cih bînin û serkevî bin.

Silav li PDK Îranê, rêber û rêkxerê bizava gelê Kurd li Kurdistanê Îranê!

Silav li jinên Kurd, piştevan û piştgirê xebata neteweyî ya gelê Kurd di Kurdistanê Îranê de!

**Yekîtiya Jinên Demokrat a Kurdistanê Îranê!
17.09.1385
09.12.2006**

Daxuyaniya Yekîtiya Ciwanê Demokrat Ya Kurdistanê Îranê Di Pêwendî Tevî Cudabûna Komek Ji Kadro û Pêşmergeyên PDK Îranê

Civatên bişeref yê xelkê Kurdistanê!

Ciwanên biemeg û xweragir yê Kurdistanê!

Endamên tekoşer yê yekîtiya ciwanên Demokrat a Kurdistanê Îranê!

Di demekê de ku asoya hêviyên Kurdan û bidestveanîna mafên neteweyî ji hemû demekê rohtir e û Kurd mijûl e di herêm û çîhanê de giranî û hêza xwe bidestve tîne û bir û hizra rizgarîxwazî û neteweyî geşe dike, netewa me zêdetir ji her demekê hewcehî bi hevkarî û yekdengiyê heye û zêdetir jî tekoşîne dike ku usûl û paramêtrên demokratîk biparêze, lê mixabin bo careke din nerîtperwerên ladan û cudabûnê û guhnedan bi usûl û pîrînsîpên demokratîk, hawara cudahiye dan û bo careke din rondikên hogirên azadî û alîgirên PDK Îranê û dayîkên şehîdan verandin û derbekî din li cendekê rêberê bizava netewî û demokratîk a gelê Kurd di Kurdistanê Îranê dan.

Em wekê YCDK Îranê, tevî xembarbûnê li hember vê kiryarê, hevdem piştevaniya xwe ji partiya xweştevî a civatên xelkê Kurdistanê û rêberiya wê, ku domkerê rastî yê şehîdên serwer (Rêber) û hemû şehîdên gel û partiyê ye, duçarî dikin û soz didin ku heya axir dilopa xweîna xwe hevçeper û piştevan û parêzerê wan nîrx û bihayan bin ku bo heyamê 61 saliya vê partiyê pêşkêşî çanda siyasî û civakî ya wan dike.

YCDK Îranê hertim zindî a Komara Kurdistan û hevcebatê mil bi milê PDK Îranê ye, de îro pê de jî her bi vî awayî bîmîne û rênîşander û şîretên reberên şehîd û rêberiya niha a PDK Îranê, çiraya rêya gihîştin bi demokrasiyê û mafên neteweyî bibe.

Gelî birêzan!

Dîrok çîqas mora erêkirin û piştevan jê derketin û cudabûnê berê li refên partiya xweştevî ya Kurdan di Kurdistanê Îranê da û çîqas piştevanê dijberên rêberên şehîd yê me Dr. Qasimloyê zana, lêhatî bû, arxayîn bin vê carê jî her wisan dibe. Ji ber ku hizr û rûçikê evên ku ev kare kirin, her ev kesên berê ne û eva di demekê de ye ku evên îro pêşengiya rêya şehîdan girtine pêş xwe, rêvingên rastî û jêhatî yê wan rêberane û mezinterîn wane û dersên van rêberane ku (pakî û rastbêjî ye) wergirtine û kar û xebatê pê dikin.

Silav li PDK Îranê, partiya şehîdên serwer Qazî, Qasimlo û Şerefkendî Serkeve bizava neteweyî û demokratîk a gelê Kurd li Kurdistanê Îranê bi rêberiya PDK Îranê

Komîteya Birêveberya Giştî a Yekîtiya Ciwanên Demokrat ya Kurdistanê Îranê 16.09.1385

Daxuyaniya Komîteya Fransayê Ya Partiya Demokrat a Kurdistanê Îranê

Hewelatîyên rêzdar!
Xelkê biemeg yê Kurdistanê!
Malbatên serbilind yê şehîdan!
Endam û alîgirên PDK Îranê!

Serencam piştî du sal û nîvan kêmkarî û karnekirina beşek ji endamên partiyê û bêhurmetî bi dengê endamên partiyê û bi nameşrû naskirina rêberiya hilbijartî ya Kongireya sêzdehem, mixabin roja 15'ê Sermawezê (06.12.2006'an), vê taqimê bi derkirina daxuyaniyekê, refa xwe ji Partiya Demokrat ya Kurdistanê Îranê cuda kirin.

Ji bo me û hemû gelê Kurd eşkere ye ku di vê rewşa girîng û hesas de yekem hewcehiya Kurd yekdenjî û yekîtiyê ye û tev veqetiyên û cudabûnek bê guman hêza xebatê lavaz û hêviya Kurd kêm dike, bi vê boneyê em pir xembar in ku hemû hewl û tekoşîna dilsojane û berpirsane ya rêberên

partiyê nekarî merema vê girûpê li ser bi cî hêlana refên partiyê biguhere û wan ji vê biryarê ku piştî Kongira Sêzdehem li ser bi îsrar bûn, poşman bike.

Komîteya Partiya Demokrat ya Kurdistanê Îranê li Fransayê, bi pêrewî ji bername û progirema partiyê û biryarên Kongira Sêzdehem, hemû aliyekê agehdar dike ku wek berê wefadar bi rêbaza Şehîdan, Qazî, Qasimlo û Şerefkendî û gişt şehîdên serbilind yê gelê xwe û rêberiya hilbijartî ya Kongirê ji bo bidestveanîna hêvî û armancên gelê xwe û hilweşandina rejîma Komara Îslamî ya Îranê bi îmaneke zêdetir xebatê bikin û demekê ji xebat û tekoşîne narawestî.

Pêvajoya xebatê bi giştî û dîroka partiya şoreşger ya me, dehan bûyerên weke vê carê bi xwe ve dîtine û em piştrastî ku şoreş bi

pêşve diçe û di pêşerojê de jî dîrok rehmê bi kesê nake û dawerîya xwe dike.

Hewce ye ku li wir em daxwazê ji hemû endam û alîgirên partiyê, bi taybet li welatê Fransayê bikin, bi hest bi berpirsariyê û li vî tevgeriyana siyasî û Şaristaniyane û tekoşîna bê rawestan refên xwe ji caran qahîmtir û bihêztir bikin.

Bihiloşe rejîma dijî Kurd ya Komara Îslamî ya Îranê

Bijî Partiya Demokrat ya Kurdistanê Îranê, partiya şehîdan Qazî, Qasimlo û Şerefkendî û xweştevî û ciyê hitbar û bawerîya gelê Kurd

Serbikeve xebata heqxwazane ya gelê Kurd li Kurdistanê Îranê bi rêberiya Partiya Demokrat a Kurdistanê Îranê

**Partiya Demokrat a Kurdistanê Îranê
Komîteya Fransayê
16'ê Sermawezê 1385'ê Rojê
7'ê Desembara 2006'an**

Daxuyaniya Komîteya PDK Îranê Ya Rojhilatê Kanadayê Ji Bo Partiya Demokrat A Kurdistana Îranê

Tevî rêz û silavên germ û şoreşgerane

Tevî xem û keserên giran ve, li rêya daxuyaniya Komîteya Navendî ya partiya me de, em haydarî xeber dilêşin ya cudabûna taqimek ji Kadro û Pêşmergeyên Partiya xwe bûn. Bihîstina vê xebera ne bixêrê êş û janneke dijwar xiste can û dilan û car din kevne birînên ku hêdî hêdî dicebirîn, ji nû ve vejand.

Lê em xatircem û arxayîn in ku vê carê jî dê her weke carên din bi bawer bi xwe û hitbar bi gelê xwe û herwiha pêşdegirtina siyaseteke usûlî û dirust û dirêjî pêdana rêbaza rêberên hertim li yad de, Qazî, Qasimlo û Şerefkendî di qada xebat û mîlmilanê de tevî dijmin û neyaran serbilind û serferaz bimîne.

Di dawiyê de tevî derbirîna nerazîbûna xwe li hember helwesta ne bi cî ya vê taqima hevrêyên pêşin, em piştevaniya xwe li Kongireya 13'hemîn a PDK Îranê û tev biryar û rêberayetiya hilibijartî ya vê îlan diikn û hêviya serkevtinê bi ser astengên li ser rêya xebatê jê re dixwazin.

Bijî Partiya Demokrat ya Kurdistana Îranê

Yekgirtî bin refên PDK Îranê
Berdewam be rêya nemiran, Qazî, Qasimlo û Şerefkendî
Tevî rêz û hurmetan
PDK Îranê – Komîteya Rojhilata Kanadayê
06.12.2006

Daxuyaniya Komîteya PDK Îranê Li Amerîkayê, Bi Hinceta Veqetiyana Beşek Li Kadro û Pêşmergeyan Li PDK Îranê

Di rewşekê de ku tevgera rizgarîxwaz a gelê me bêtir ji her carê hewceyî yekgirtin û yekdengiyê bû, mixabin parek ji Kadro û Pêşmergeyên berê yên PDK Îranê bi belavkirina daxuyaniyekê veqetiyana xwe ji refên partiyê îlan kirine. Em li vir de vê helwesta van birêzane xesara tevgera rizgarîxwaz a gel dizanin û piştevaniya xwe ji PDK Îranê, partiya xweştevî û berdil a gelê Kurd û partiya Qazî, Qasimlo û Şerefkendî, radigehînin.

Silav ji PDK Îrabê, partiya pêşeng a gelê Kurdistanê

Silav li şehîdên Kurdistanê nemaze serkarwanên şehîdan, Qazî, Qasimlo û Şerefkendî

Silav li malbatê şehîdan û girtiyên siyasî

Silav li Kadro û Pêşmergeyên qehreman ên PDK Îranê

PDK Îranê – Komîteya Amerîkayê
08.12.2006

Gerek Kurt Di Dîrokê De ...

Amadekar: Nûredîn Sofizade

01.12: Roja cîhanî ya xebat li dijî nexweşiya "ÎDZ"ê.

01.12.1983: Di şereke dijwar di navbera Pêşmergeyên Hêza **Pêşewa** û hêzên rejîmê di gundên Xatûnbaxî û Ebdulava de, mixabin 7 Pêşmergeyên PDK Îranê bi navên: Îbrahîm Sohrabî, Îbrahîm Sipahî, Behmen Qazî, Rehîm Sofî, Qerenî Kitabî, Taha Şamihemedî, Mewlûd Rostemî şehîd bûn.

02.12.1921: Şoreşvanê welatparêz yê Bakûra Îranê "Mîrza Kûçekxanê Cengelî" koça dawiyê kir. Xwefiroşekê bi navê "Xalo Qurban" serê wî jê kir û radestî Şahê Îranê kir.

02.12.1945: Leşkerek Amerîkayê ku parek ji axa Îranê dagir kiribû, piştî bi dawî hatina heyamê diyarikirî, di konferansa Tehranê de biryar da ku ji axa Îranê paşekêşiyê bike.

02.12.1996: Mamosta Mela Mihemed Rehîmî xelkê parêzgeha Kirmaşanê bi awayekî gumanbar jiyana xwe ji dest da. Piştê hate eşkerekirin ku ev jî aliyê rejîmê ve hatiye kuştin.

03.12.1989: Di yekemîn Civîna Komîteya Navendî a PDK Îranê de piştî şehîdkirina Dr. Qasimlo, Dr. Sadiq Şerefkendî wek Sekerterê Giştî yê PDK Îranê hate hilibijartin.

05.12.1608: Şerê Kela "**Dimdim**" dest pê kir û piştî domîna çend mehan ji vî şerî aqîbet bi êrişa leşkerê Şa Ebasê Sefewî tûşî têkçûnê hat û **Mîrê Lopzerîn** tevî şerkerên xwe şehîd bû.

05.12.1946: Bi Serokatîya Pêşewa Qazî Mihemed di Komara Kurdistanê de Şewra Şer pêk hat.

06.12.1945: Yekemîn hejmara Kovara KURDISTAN li bajarê Mehabadê hate çap û belavkirin.

06.12.1981: 5'emîn Kongireya PDK Îranê hate lidarxistin û dirûşma hiloşina Komara Îslamî ya Îranê hate pejirandin. Navê Kongirê Kongireya Şehîdan bû.

06.12.2006: Çend kes ji Kadro û Pêşmergeyên PDK Îranê ku mideheke dirêj bû xwe bi "Opozîsyon" dabûne nasandin, mixabin veqetiyana xwe ji PDK Îranê îlan kirin.

07.12: Roja Cîhanî ya Balafiriyê.

07.12: Roja Xwendekar di Îranê de.

07.12.1987: Seba teqîna bombeyeke çandî ji aliyê rejîmê ve, mixabin endamê rêberiya PDK Îranê, **Hesen Şeweseli** her du çav û destên xwe ji dest dan.

08.12.1981: Di şereke dijwar de rêzdar **Ehmed Cawîdfer** naskirî bi **Hejar** Endamê Komîteya Navendî ya PDK Îranê şehîd bû.

08.12.1997: Terorîstên rejîma Komara Îslamî ya Îranê di boşeyekê de li Kurdistanê Îraqê **Mensûr Fetahî** naskirî bi Seyîd Mensûr Nasirî endamê rêberiya PDK Îranê tevî 3 Kadroyên bi şîyan û jêhatî yên din bi navên: **Ebûbekir Îsmailî**, berpîrsê komîteya bajarê Banê, **Refet Husêynî**, **Yedula Şîrînsaxen**, hatne şehîdkirin.

09.12.1980: Rêxistina Neteweyên Yekbûyî da îlankirin ku rejîma Îraqê şer li dijî Îranê dest pê kiriye û hate mehkûmkirin.

10.12.1896: "Alfred Bernhard Nobel", kîmyazanê mezin yê cîhanê di welatê Swêdê de koça dawiyê kir. Li ser wesiyeta wî binkeyek pêk hat ku her salê gelek xelatan di zaf waran de bi navê Xelata Nobelê didin mirovên zan û pispor ên cîhanê.

10.12.1945: Salroja derçûna Daxuyaniya Cîhanî ya Mafê Mirovan.

12.12.1945: Hikûmeta Neteweyî ya Azerbaycanê li parêzgeha Tewrêzê bi fermî hate ragihandin û hemû binke û paygehên wir ketin bin destê xelkê Azerbaycanê.

12.12.1946: Di yekemîn salroja avabûna Firqeya Demokrat ya Azerbaycanê de, Parêzgeha Tewrêzê ji aliyê hêzên hikûmeta navendî ya Îranê ve hate girtin û Firqe teslîm bû.

13.12.1983: Di şerekê tevî çekdarên rejîmê de, mixabin 8 Pêşmergeyên PDK Îranê li Hêza Zirêwar bi navên: Xelîl Xolamweysî, Rehîm Îbrahîmî, Ebdula Ehmedî, Ayat Huseynî, Şaho Muradî, Salih Deleyî, Ebas Bisaranî, Mîrza Ferecî hatin şehîdkirin.

13.12.1987: Mamosta **Elaedîn Secadî**, nivîskar û rojnamevanê Kurd koça dawiyê kir.

13.12.2003: Sedam Husên, Serok Komarê rejîma hiloşandî ya Bees a Îraqê li Lexmekê nepenî de li bajarê Tikrîtê ji aliyê hêzên hevalbend hate girtin.

14.12.1946: Çend Serok Eşîrên Kurd li dewedewê êrişa arteşa rejîma Şahê Îranê bo ser hikûmeta Komara Kurdistanê çûne pêşwaziya hêzên Şah û emegdariya xwe ji bo Şah nîşan dan.

15.12.1969: Pêkhatina 2'emîn Kongireya PDK Îranê. Ev kongireye terzek derketin bû ji rêbaza PDK Îranê û Ehmed Tofîq weke berpîrsê yekem yê partiyê hate diyarikirin.

Sosyolojiya Cıvak û Edebiyata Kurdî

Lokman Polat

Li ser sosyolojiya civaka kurd û edebiyata kurdî çend pirtûk hatine nivîsîn? Bi qasê ku ez zanim li ser sosyolojiya edebiyata kurdî qet yek pirtûkek jî nehatiye nivîsîn. Li ser sosyolojiya civaka kurd pirtûkên ku hatine nivîsîn, pir hindik in. Ew jî çend pirtûkên nivîskarên Ewropî, pirtûkên Îsmail Beçîkçi, pirtûka Bazil Nîkîtin ya bi navê "Kurd" –Weşanên Deng- û pirtûka Zîya Gokalp ya bi navê "Analîza sosyolojîk ya eşîrên kurdan" e. –Weşanên Komal. Û ewqas.

Nivîskarên kurd her diçe zêde dibin, lêbelê piraniya nivîskarên bi edebiyatê re mijûl dibin û herweha çîrok, helbest û romanên dinivîsîn. Hinek nivîskar jî bi karê lêkolînê re mijûl dibin, hejmara wan pir hindik e. Di nav nivîskarên kurd de (Muxteda min nivîskarên kurd yên ji Kurdistana bakur in) yên civaknas tunin û berhemêke civaknasîyê ya bi kurdî hatibe nivîsîn tune. Li bakurê Kurdistanê berhemên ku bi kurdî hatine nivîsîn –çend lib netêde- hemû jî berhemên edebî ne, anku berhemên ku di nav kategoriya şaxên edebiyatê de ne. Pirtûkên felsefî, ramanî, sosyal civakî, siyasî û sosyolojîk yên bi kurdî li bakurê Kurdistanê tunin.

Lewre jî divê nivîskarên kurd yên civaknas pirtûkên sosyolojîk binivîsin, analîza sosyolojiya civaka kurd –bi kurdî- bikin. Divê weşanxaneyên kurdan netenê çîrok, helbest, şano û romanên biweşînin, herweha divê ew pirtûkên lêkolînî, lêgerînî, analîzî, ramanî, felsefî û nixandînan civakî û dîroki jî biweşînin.

Li ser edebiyata kurdî jî pirtûkên sosyolojîk nehatiye weşandin. Tenê "Antolojiya Edebiyata Kurdî – M. Uzun", "Antolojiya Çîrokên Kurdî – F. Cewerî" û

"Antolojiya Helbestên Kurdî – A. Balî" hatine weşandin. (Pirtûkên antolojiyê pirtûkên sosyolojiyê nîn in.) Hêj antolojiya romana kurdî nehatiye weşandin. Min pirtûkeke nixandina 20 romanên kurdî amade kir û bi navê "Bîst Romanên Kurdî" weşand. Ev pirtûk danasîn û nixandina bîst romanên hîlbijartî yên kurdî bû. Pirtûkeke sosyolojîk û antolojî nebû. Lêkolînanên civaknas û edebiyatnasên kurd, divê hem sosyolojiya civaka kurd û hem jî sosyolojiya edebiyata kurdî binivîsin.

Divê rexnegirên edebî – anku edebiyatnas yan jî edebiyatzanên kurd – jî bi şêweyêke edebî berhemên edebiyata kurdî analîz bikin, binixînin. Divê ew edebiyata kurdî li bêjîngê xî, helçînî, kehb û gûzan ji hevûdu parve bikin. Yek radibe vegotîneke – anlata- dinivîse û dibêje min romana herî baş nivîsî. Yekê din paşgotîniyan li pey hevûdu rêz dike û tede tu tevneke, tevgereke, bûyereke berbiçav, îmge, xeyal û hunandîneke li gor pîvanên edebî tune û dibêje "kesekî heta niha romaneke weha nenivîsiye." (Bi taybetî jî kesên ku pirtûka xwe ya yekem diweşînin û navê çîrok, helbest yan jî romanê lêdikin, li gorê wan çîroka herî baş, helbesta herî baş, romana herî baş wî/wê nivîsiye. Ev kesên xwedî vê mentalîteyê berhemên ku berê hatine nivîsîn, naecibînin û weke nihîlîstan her tiştê baş bi xwe dest pê dikin. Yanî ew yên berê baş nabînin û yên ku wan nivîsiye baş û serketî dibînin.)

Helbet, heger ji alî edebiyatnas –yan jî edebiyatzan- an ve li ser pirtûkên edebiyata kurdî bi şêweyêke zanistî lêkolîneke dûr û kûr bê kirin, dê bê dîtin ku, di nav edebiyata kurdî de gelek pirtûkên ku li ser wan hatine nivîsîn ev çîrok in, lêbelê çîrok nîn in, gelek pirtûk hene ku weke pirtûkên helbestan hatine weşandin, lê helbest nîn in, û herweha pirtûk hene ku li ser wan



hatine nivîsîn ev roman e, lê roman nîn in. Lê, ev nayê wê maneyê ku pirtûkên kurdî yên baş ku bi rastî jî çîrok, helbest û roman in, tunin. Na hene û hinek jê gelek baş in.

Çiqas pir pirtûkên analîza berhemên (ez dixwazim mizgîniyêke bidim xwendevanên kurd ku nivîskarê ciwan ê kurd Î. Seydo Aydogan li ser romanên kurdî pirtûkeke analîzê / nixandîne amade kiriye. Bi hêviya ku ev pirtûka wî ya ji hêla mijara xwe ve gelek girîng e, di demeke nêzik de bê weşandin û bikeve destê xwendevanên kurd.) pirtûkên sosyolojiya civakê û edebiyatê, nixandina rexnegirên edebî derbikevin, ji bo edebiyat, çand û zimanê kurdî dê ewqas baş be. Bi saya pirtûkên weha dê edebiyat û civaka kurd baş bê nasîn û zanîn. Lewre jî di dema niha de herî pir pêwîstî bi pirtûkên sosyolojiya edebiyat û civaka kurd heye û herweha pêwîstî bi pirtûkên analîza çîrok, helbest û romanên kurdî heye.

Fîlmê "Firmêskên Bêxal" Beşdarî Festîvala Filmên Kurdî Li Londonê Dibe

Besam MISTEFA, HEWLÊR— Piştî ku filma "Firmêskên Bêxal" li Başûrê Kurdistanê hate nîşandan, gelek guftûgo û gengeşe ji aliyê ravekar û bîner û hezkerên sînemayê ve di medyaya Başûrê Kurdistanê de li ser çêbû. Firmêskên Bêxal weke mêvan di Festîvala Abû Dabî li Mîrrîtiyên Hêvgrîtî yên Erebi îsal beşdar bû û derhêner û aktera genc Ozî Ezîz û dekorîst û akterê kurd, Fuad Gemo di festîvala navborî de beşdar bûn.

Filma Firmêskên Bêxal dê di çaremîn Festîvala Filmên Kurdî li Londonê di 08.12.2006'an de, beşdar bibe. Lewend Omer ê derhêner û aktera jin Ozî Ezîz mêvanên festîvalê ne.

Firmêskên Bêxal 84 deqîqeyan dirêj e û



ev cara yekem e ku li Ewropa tê pêşandan. Derhênerê fîlmê Lewend Omer hewil dide ku pirsgirêkên civakî bi taybetî yên jin û gencan di filma xwe de çareser bike, di riya nîşandana çîroka keçeke kurd ku ji


pêşveçûna herêma Kurdistanê û azadiya wê û yasa û destûra wê hêviya rizgarî û jiyaneke serbixwe dike.

Ji aliyekî din ve derhêner Lewend niha amadekariya filmek nû bi navê "Bûka Mezopotamiya" dike. Çîroka filma nû jî hûndîneke diramatîk e di navbera paşma û tirsê de, ji dastana Kawayê Hesinkar e, lê bi şêweyêke nûjen û hunerî ye û gelek akterên biyanî ji Meksîk û Amerîka û Almanîya tevî akterên lokal tê de rol digirin.

Çaremîn Festîvala Filmên Kurdî li Londonê dê 60 filman hembêz bike û Wezirê Rewşenbîrî yê Kurdistanê Felekedîn Kakeyî, derhêner Mehdi Omêd, Behmen Qubadî û Hiner Selîm di wê festîvalê de amade dibin.

HIŞMENDÎ

ADAR JIYAN
adarjiyan@mynet.com



Hişmendî, şêwaza fikr û ramana ku bandorê li ser jiyana mirov ya rojane û civakî dike û di hemû mercên baş û xerab de mirov arasteyî hest û hizrên erênî an jî dike ye. Êdî îro di hemû qadên jiyane de jî ev hizra erênî/neyinî wekî risteke mezin hişê mirov xurtir an jî qelstir dike.

Ligel vê yekê, îro fikra pozîtîv a ku wekî çavkaniya felsefeya rojhilatê tê dîtin, ji hêla hemû zanyarên dinê ve tê ecibandin û pejirandin.

Çi tiştê ku di xweza û gerdûnê de cih digirin, hemû di nav hevhişkarî û hevbandoriyekê domdar de hebûna xwe dikudînin. Ev hevhişkariya bênavber bi bandoreke mezin li ser cest û hestên mirov hukim dike. Fikreke erênî ya ku di mêjiyê mirov de disihire, rasterê bandorê li ser bedena mirov û tevger û livên wî/wê jî dike. Li gorî zanyarên norolojiyê, mêjiyê kesên ku di nav aramî û bextewariyê de dijîn, bi endorfînê (morfinêke dijwar) tê avzêkirin. Ev endorfîna avzê, ji morfinêk tevzîner gelekî xurtir û bibandortir e. Êş û azarên mirov ên derûnî didebirîne. Hêz, lebat û aramiyê dide mirov. Xelek û şaneyên mêjiyê mirov tenduristir û bijûntir dike. Pergala bexşangî û pênegirtina mirov çêtir dixebitîne. Riya serkeftin û destkeftinê gelek caran di bikaranîna vê pergale re derbas dibe. Kesên ku bi vê hişmendiyê nasdar dibin, ewleyî û xweşbîniya xwe winda nakin û her gav bi wêrekî di nava civakê de dibin xwedî vîn û pêşdestî (înisyatîf). Kesên ku xwediyê vê hişmendiyê bin, her wiha bi xwarin û vexwarinê pozîtîf xwedî dibin; kar û barên pozîtîf dikin; bi heval û hogirên pozîtîf re didin û distînin. Mirovahî, bi saya vê hişmendiyê (fikra pozîtîf) û tevgerên erênî gihîştîye merhaleyêke payedar.

Her mirovê/a xwedî hiş û raman neçar e ku der barê arîşe, pirsgirêk û pêdiviyên mirovahiyê de hişyar be û bi qasî ramanwer û zanyarekî, bi dilsozî û berpirsiyarî tevbigere. Berpirsiyariya her mirovî/ê, çendî ku bi qasî kesên hestiyar û pejnkar giran be jî, her gav her kes nikare xwe bide ber vî barî û li hemberî bi rewşa heyî helwest bigire. Belê li aliyê din, hin kesên ku di bin fikr û hizra pozîtîf de dimînin û alîkariya vî karî dikin jî hene. Di her dem û domanên dîrokî de ew mirovên hişmend û ramanwer, bi rewşa heyî qayîl nebûne. An li hemberî neyinî û nebaşiyên demê derketine an jî ji bo guherîn û veguherînên erênî têkoşiyane û gelek

dahên û nûvedaniyên nû pêk anîne.

Kesên ku bi vîna xwe tevdigerin û bi hemû dilsozî û daxwaziya xwe têdikoşin, ji kelem û astengiyên pêşberî xwe ne pelikandine; çavên xwe jî êrîş û darizandinên bêyom û nerewa nekutkutandine. Xwe jî ber binbariya civakî û berpirsiyariya mirovahiyê nedane alî. Berevajî wê, wan bi xwe, xwe dane ber kar û barên giran. Bi jarî, xizanî û belengaziya dinê rû bi rû mane. Tûşî bindestî û bintûtetiya demê bûne. Zikekî wan têr, deh birçî bûne. Bêmal, bêhal û bêheval mane. Ji zêç û zarok û hevserên xwe bûne. Leqayî jiyaneke bixem û têrtehdarî hatine girtin, darizandin û afarozkirin. koçkirin mirin û dardekirin bûye para wan... Bi kurtafî wan tu carî ber xwe nedîtiye. Belê ji vê rewşa xwe ya payeberz zivêr û bêzar nebûne. Lewre wan, biryara jiyana xwe ya birûmet bi vîna xwe hilbijartine û pejirandine.

Hişmendiya mirov li gorî mercên jiyane û pêwendiyên civakî û dişêwe û dirûv digire. Belê her mirov jî dîsa bi meyldarî û lêgerînê xwe yên kesane, bi hişmendiyêke taybet û xweser tê rapêçandin. Ev hişmendiya jênager, mirov an arasteyî liv û bizavên erênî an jî tevgerên neyinî dike. Hişmendiya ku ji fikra pozîtîf dinime, mirov ber bi nirx û hêjahiyên bêhempa ve dike; mirov di çavê civakê de birûmet û serbilintir dike. Belê hişmendiya ku ji fikrên neyinî pêk tê, her gav mirov ber bi riya şaş ve dike û wî/wê di çavê civakê de bê qedir û serberjêr dike.

Derfet û mercên îroyîn, tu car du hêjahiyên bedew bi hev re nadin mirov. An dewlemendiya aborî û ligel wê bêrêti, bêxemi, bêxîretî û bêqîmetiyê; an jî dewlemendiya derûnî û li gel wê jî rûmetdarî, gelperwerî, mirovhezî û qedirnasiyê dide mirov. Hilbijartina herdu tiştan di destê mirov bi xwe de ye. Werki ku Leo Buscaglia jî dibêje: "Jiyan dişibe wêneyên ku tu bi destê xwe xêz dikî. Kaxiz, firçe pênuş û semax hemû di destê te de ne. Tu bi xwazî, tu yê wêneyê bihuştêkê xêz/çê bikî û bi aramî tê de rûnê. Û tu bi xwazî jî tu yê wêneyê dojehekê çê bikî û di nav de xerq bibî.

Ramanwerê nemir Mewlana Celaleddîne Romî jî dibêje:

"Tu ji fikr û ramanekê pêk hatî yî / Ji bilî wê, tu tenê goşt û hestî yî
Heke tu di gulê de bifikirî, tu yê bibî gulistan/ Heke tu di striyan de bifikirî, tu yê bibî strîdar."

Kaniya Helbestan

Letîf Epozdemir

EVÎNÊ KUŞTÎN

Dayê baran e
/bêhna mirinê tê,
/ evr bûne mij û moran,
/pêşna qederê tê
Qompare rijyan
/bi hezaran însan
/bê nefes û can
/li erdê dirêj man.

Jehrî dibare /
bi bêhna sêvan
/reş e asîman/
zarok li erdê bê derman.
Gûl venabin
/piranî zarok in
/jehrî rijya ser singê wan
/mirin e êdî para wan.

Mîrata mirinê
/vê carê
/bê xeber hat
/bi ser me ve girt
/bê rehm û eman.
Bayê sibê hê sekinî/
Li hawîr bêhna sêvan
/sêv ne ew sêvên xwarinê
/lê dermanê mirinê.

Can westiya
/jiyan rawestiya
/ax dikele bi xwînê
/dawî hat li evînê.
Keçeke çavgeş
/di ricife bi girîn/
dibêjê hewar e dayê/
ez mir im bi vê bayê

Min bixe nava nivîn
/ku bikeyê êşa min
/qeda bi vê qederê/
çi karê me li dinê
Li ber singê kalekî
/kûrekî dû sê mehî/
di cemide canê wî
/lê tuneye çara wî.Mirin hat
mala kir vala

/hemû kes bê mecal in
/hey dinyaya derewîn
/tu binêr ev çî hal e.
Hat karwanê mirinê
/di bare jehrî li jor
/neyar hate xezebê
/dîsa bû har û çavsor

Adar Jiyan:

Ji Bo Azadî û Serfiraziya Gelekî, Ferzîndeya Bingehîn Zanîn û Zanyarî Ye

Hevpeyvîn: Dara Natiq

A *dar Jiyan kî ye:
Di sala 1962'an de li gundê*

xwe Dengiza ku bi ser Stewra Mêrdînê ve ye, hatiye dinyayê. Dibistana Seretayî li gundê xwe xwend. Dibistana navîn li Stewrê, peyre jî Amadeyiya Îmam-Xetîbê a Mecanî li Mêrdînê, Entîtuya Perwerdehiyê li Ruhayê kuta kir. Sê salan Li Beşa Zankoya ziman, dîrok û erdnigariyê Beşa Zimanê Fransî û Wêjeyê xwend, belê ji ber sedemên ramyarî nivco hişt. Gelek caran hat girtin û darizandin. Wekî mamosteyê polê hate wezîfedarkirin. Li gelek bajaran geriya û hate mişextin. Vê gavê mamoste ye. Heta niha di gelek kovar û rojnameyên Kurdî û Tirkî de nivîsên wî hatine weşandin. Wî di Azadiya Welat, Agirî, Jiyanar Rewşen, Tiroj, Vesta, Hîwa, Kevan, Bîrnebûn, Nûbihar, Zend, Kovara W, Tûrik(Pêveka Azadiya Welat) Gulistan û Rojevê de nivîsandiyê.

Berhemên Wî

Seyrê Destan (kurdî)

Raveya Peyvan (Kurdî) (Weşanên Pêrî)

Ziman û Jiyan (Kurdî) (Weşanên Pêrî)

Sekeftina Morîstanan

(Fab/rist)Kurdî) (Weşanên Pêrî)

Şevên Koçber (Çirok, Kurdî)

(Weşanên Pêrî)

Nêzikahîtdanek Perwerdekar Ji bo Arîşeyên Perwerdehiyê (Tirkî)

Mamoste Bi Hezîkirinê Tê Nasîn (Tirkî)

HEVPEYVÎN

BI ADAR JIYAN RE

Bi baweriyê we rewşenbîrî divê xwediyê çi pênaseyekê bin?

Ji bo vê pîrsa we ya girîng zor spas. Belê berî ku ez besiva vê pîrsê bidim, dixwazim tiştekî bibêjim. Hûn dibêjin "bi baweriyê we..." Carekê navlêkirin û ravekirina nasnameya rewşenbîrîkî/ê ne li gorî bîr û baweriyê kesên; li gorî pîvanga û formulasyonên zanistî û zanyariya civakî tene danîn û navandin. Îcar divê pêşî em

vê pîvanga ku rist û peywireke mezin li wateya rewşenbîrîyê bar dîke ji nêz ve binasin û li gorî wê tevbigerin.

Carekê çendî ku rewşenbîrî ji nav gelekî an jî civakê derdikeve û xwediyê nasnameyê neteweyî be jî, ew xwediyê nasnameyê gerdûnî ye. Rewşenbîr ew e ku her gav têkilî pîrsgirêkên mirovahiyê dibe û ji bo arîşe û gelemşeyên gerdûnî li çareseriyê digere. Rewşenbîr, him suxredar û bargirê civaka xwe û hem jî berpirsiyar û peywardarê serdema ku tê de dijî ye. Pênasiya rewşenbîr a sereke têkoşerî ye. Têkoşerîya li hemberî neyinî û



xerabiyê ye. Têkoşerîya li nik bindestî û bênasnameyê ye. Têkoşerîya aştî, azadî û yeksanî ye. Têkoşerîya maf, dad û demokrasîyê ye.

Rewşenbîr, divê ji her kesî bêtir xwediyê pejnkarî û dildariyê bêlayan û bêdeman be. Ango, divê ew bi nasnameya xwe ya gerdûnî derkeve qada jiyanê. Û li her der û deverê êş û azarên mirovahiyê di dil û mêjiyê xwe de bihişîne û çareseriyê wan bigere.

A rast, divê xislet û taybetiyên rewşenbîrî tenê bi van çend xalan neyên sînoardarkirin!

Hûn rewşenbîriya kurdî bi ser çend qonaxan de parve dikin?

Bi ya min divê, tu rewşenbîr an jî ronakbîr tenê bi netewe, nijad an jî civaka xwe neyê nasîn. Rewşenbîrê/a ku ji hêla civaka xwe ve nehatibe nasîn û pejirandin, dê ji hêla gel û civakên din ve jî nehatibe nasîn. Bi rastî ez tu car naxwazim rewşenbîrîyê (çi rewşenbîriya kurdî û çi jî wekî din) cihê cihê bisenifnim û têgiheke wisa girîng ji wateya wê ya rastîn bi dûr bixim. Lewre wateyê rewşenbîrîyê ya resen û xweser heye. Û ev wate jî li tu qonax û radeyên din nayê edilandin. Rewşenbîrî ne wekî pişeyekî rojane ye ku mirov bikaribe wî li gorî dilê hin kesan bide navandin û xebitandin. Pîvanga rewşenbîrîyê ne zanebûn tenê ye; her wiha cehd û hewldanên ku xwe dispêrin zanîne jî dixwaze. Ji bo wê, rewşenbîrî nayê

parvekirin. Ew bi xwe qonaxê payeberz ya hevpar e. Û her kes jê sûd û fêdeyê werdigire.

Yanî rewşenbîriya kurdî, tirkî, erebî, farisî nîn e; belê rewşenbîrên ku bi eslê xwe kurd in, tirk in, ereb in, faris in, Îngilîz in, fransî ne, ermenî ne hene. Ew jî hemû tenê wekî rewşenbîr tene nasandin.

Heke mirov behsa rewşenbîrên ku bi eslê xwe kurd in dikin, gelek rewşenbîrên hêja, binav û deng û bêhemsal ji nav kurdan derketine û derdikevin jî. Lê mirov dikare nivîskarên kurd wekî çend nîşan bisenifîne. Ew jî; yek, yên ku bi kurdî nizanin û doza zimanê kurdî dikin; du, yên ku bi kurdî zinanin û qet xwe li kurdî nakin xwedî û bi zimanê biyanî dinivîsin; sê, yên ku bi kurdî zinanin û bi kurdî dixwînin û dinivîsin... Bê guman nîşê ku hêviyê dide ev nîşê sisiyan e ku him jî bo gelê xwe û him jî ji bo mirovahiyê tiştekî xêrê dîke.

Nivîskarê ku bi zimanê xwe yê neteweyî berhemên xwe dihene û diyarî civakê dîke, neteweyekî diparêze. Girêdayê wê jî çand, huner û wêjeya xwe diyarî mirovahiyê dîke. Parastina çandekê, xizmetê ji parastina hemû nîrxên mirovahiyê re dîke û wêjeya dinê dewlementir dîke.

Nirxandina we ji xebata rewşenbîrên me yên Kurd derheq nasyonālîzmê çawa ye?

Nasyonālîzm, parastina pergala nijadperestiyê ye. Pergala nijadperest, nivîskarên nijadperest digihîne û kî nî rikdariya navbera gel û neteweyên din kûrtir û diwartir dîke. Ev yek jî bo rewşenbîrê ne pêkan e. Belê ji bo nivîskarekî nijadperest guncan e. Ez bi xwe ne di vê baweriyê de me ku nivîskarekî/e bîndest bikaribe xwe ragihîne radeya nijadperestiyê. Lewre ji bo nijadperestiyê, hewcêti bi hin tiştan heye. Ango divê pêşî nijada wî/wê yekîtîya xwe pêk anî be ku bikaribe di qada cîhanê de doza serdestî û desthilatdariya nijada xwe bike. Her çendî ku ev feraset durrî xislet û taybetiyên rewşenbîrîyê be jî, ji bo nivîskarên kurd îro zêde ne pêkan e. Ji kîjan neteweyê dibin bila bibin, dibe ku hin kes bi hestên nijadperestî tevbigerin û xwe bi wî awayî bidin nasîn. Belê rewşenbîrên kurd, bi giştî hê nebûne nijadperest. Û divê nebin jî. Lewre nivîskarên ku nijadperest bin, nikarin bibin rewşenbîr. Jixwe ku rewşenbîr bin, wê çaxê ne nijadperest in.

Bi baweriyê we rewşenbîrên me yên Kurd heya çi qasekî karîne xwedî bandor bin li ser doza gelê me?

Bêguman doz û daxwaza gelê kurd

azadî û serfirazî ye. Ev jî tiştêkî rewa ye. Ango ne tiştêkî ji sêrêder û derehiqûqî ye. Heta niha çî hatiye serê gelên bindest, ji ber nezani, bêtifaqî û sersariya wan e. Ji bo azadî û serfiraziya gelekî, ferzîndeya bingehîn zanîn û zanyarî ye. Ev jî tenê bi helwest û hewldana rewşenbîrên rastîn bi dest dikeve. Wekî hemû gelên bindest, gelê kurd jî bi salan e ku bi pirsgirêkên xwe yê navxweyî mijûl dibe. Her seriyekî sewtek jê diçe. Yekîtî û şewirmendiya neteweyî/navxweyî heq bûye. Ev bar û peywir jî teqez li ser rewşenbîrên kurd dimîne.

Wekî ku me pêşî jî got, divê rewşembîr li hemberî hemû şer û pevçûnên navxweyî û navneteweyî derbikeve. Divê pêşî jî bo yekîtiya civaka xwe û peyre jî bo aşî û aramiya cîhanê tevbigere. Heke rewşenbîrên ku bi eslê xwe kurd in vê peywirê hildin ser milên xwe û peywira xwe ya dirokî bileyzîzin, dê pêşî bandoreke mezîni li ser yekîtî û ahengiya gelê kurd û peyre jî li ser gelên herêmê û mirovahiya cîhanê bikin.

Rewşenbîr dikare bibe xwediyê îdolojîyêke taybetî?

Tu mirov nikare bê bîrdoz hebûna xwe bikudîne. Kesên ku bîrdoza wan tune be; hebûna wan jî tune ye. Ji bo wê teqez divê bîrdozeke rewşenbîr hebe- Ji xwe heye jî- Belê ev bîrdoz ne girêdayî ramyariyêke demdemî û rojane ye. Heta bêbes domdar, berfireh û zansîti ye. Yanî bîrdoza rewşenbîr zanîn bi xwe ye. Bîrdoza rewşenbîr ne ji bo cihêwazî û pevçûnên navxweyî û navneteweyî ye; berevajî wê, ji bo yekîtî û lihevkerîna civakê û tevê mirovahiyê ye.

Nebûna zîmanekê hevgirtî yê Kurdî çî bandorek li ser pêvajoya rewşenbîriya Kurdî hebûye?

Tunebûna zîmanekî hevgirtî, xwe dispêrê gelek sedem û egerên dirokî û civakî. Carekê zîmanê kurdî bi sedan sal hatiye astenkirin û qedexekirin. Heta ku zîmanek nebe zîmanê zanîn û perwerdehiyê û ber û berhemên cur bi cur bi wî zîmanê neyên nivîsandin, yekîtiya wî zîmanî pêkan nabe. Nivîskarî û rewşenbîriya kurdî hê nû nû bi ser xwe ve tê.

Divê em ji nebûna zîmanekî hevgirtî bêtir, behsa girîngiya hebûna zîmanê hevgirtî bikin. Ji bo vê yekê merc û derfet hatine afirandin. Here nivîskar bi zaravayê xwe; belê bi awayekî bi rêk û pêk bi kar binin, dê yekîtiya hevgirtina zîman û pêwendîya navbera zaravayan xurtir û hêsantir bibe. Wê çaxê, gel jî dê hêdî hêdî arasteyî zîmanê xwe yê hevgirtî bibe.

Ji bo wê, hewce ye ku nivîskar û rewşenbîrên kurd, vê pêvajoyê lezgintir bikin.

Bi hizra we civaka me heya niha kariye saziyêke serbixwe a rewşenbîrî çê bike ku di wir de arîşe û girêpêçkên civakê bi awayekî zanistî bixe ber bas û lêkolînan?

Heta îro gelek sazî û mezirîngiyên siyasî, çandî û hunerî hatine damezrandin. Û her yek ji wan li gorî hêz û taqeta xwe suxre û peywira xwe pêk tîne. Belê heta niha tiştêkî berbiçav ku ji yekîtî û hevgirtina neteweyî ya giştî re bibe hincet zêde pêk nehatiye. Di vî warî de jî kêmasiyêke mezîni xwe dide der. Xebat û xizmetên ku têne kirin jî, cih bi cih û demdemî ne. Arîşe û pirsgirêkên hevi, bi dorfirehî û domdarî nehatine dahûrandin.

Pêdivî bi saziyêke ku bikaribe hemû rewşenbîrên kurd di bin banê saziyêkê de li hev bicivîne û wan arasteyî lêkolînan û dahûrandinên zansîti bike, heye. Dê ev yek bandorê li ser çareserkerîna pirsgirêkên hevpar ên neteweyî jî bike.

Ji bo avakirina saziyêke wiha serbixwe hewce ye ku çî gaweke bîn avêtin?

Ji bo avakirina saziyêke wiha, hewce ye ku pêwendî, şewirmendî û danûstendineke xurt pêk were. Hewce ye ku, her kes ji cem xwe de piştgirî û alîkariyê bide pêşnûmayêke wisa girîng. Hewce ye ku her rewşenbîr û nivîskar nefsbiçûkîyê bike û xwe ji quretî û pozbilindiyên bêkêr û bêxêr pak bike. Hewce ye ku kes nebêje "ez" ê bikim; bibêje "em" ê bikin.

Pêwendîya navbera rewşenbîr û desthilatê divêt bi çî awayekê be?

Pêwendîya navbera rewşenbîr û desthilatdaran, pevçûn e. Pevçûna ramyarî ye. Her çend ku rewşenbîr, li hemberî şer û pevçûnên bêyom û bêoxir be jî ew her gav bi desthilatdaran re di nav şer û pevçûnên bîrdozî, hizrî û derînî de ye.

Rewşenbîr nikare bi desthilatdaran re li hev be. Rewşenbîr û desthilatdar du hêzên pozber û lêkneker hebûna xwe bidomînin. Divê rewşenbîr tu car eman û demanê nede kes û hêzên desthilatdar û bi wan re li hevdu neyê. Jixwe sedema hebûna rewşembîr, lihemberderketina desthilatdariyê ye. Ne lihevhatina wî/wê ye.

Ji bo bersîvdana Xaçepirsa hejmaran (Sudoku)yê ya nû, tenê van sê xalên jêrîn berçav bigirin:

1. Hejmarên 1-9'ê di xet(xêz) û stûna serjêr de tenê carekê dubare dibe.
2. Hejmarên 1-9'ê di xet(xêz) û stûna çeprast de tenê carekê dubare dibe.
3. Hejmarên 1-9'ê di nava çargoşeyê 3x3 de tenê carekê dubare dibe.

Bersiva Sudoku a Hejmara 52'an

8	9	4	6	7	2	1	3	5
3	6	1	8	5	4	7	9	2
2	5	7	1	9	3	8	4	6
4	2	6	5	8	9	3	7	1
7	8	5	3	6	1	9	2	4
1	3	9	2	4	7	6	5	8
6	4	3	7	1	5	2	8	9
5	7	8	9	2	6	4	1	3
9	1	2	4	3	8	5	6	7

Xaçepirsa Hejmaran (Sudoku)

3			5	9	8	6	7	2
	2		7		4	1		
				1	2		5	3
8	6			7		3		5
2		7	3		5			
4	5	3		2			9	6
1	4		2				6	7
9		2			6	5		8
5		6	9		7	2	1	4

Li Farqînê Hejmara Xwendekarên Bi Jehrketî Derket 150 Kesan

Li gorî nûçeyekê ku di malpera Netkurdê de hatiye weşandin, li bajarê Diyarbekirê navçeya Farqînê, 150 xwendekarên dibistana "Demirkuyu" û "Eşme Taşima"yê li ser fikara bijehrketinê rakirin nexweşxaneya dewletê a Farqînê. Heta niha 40 jî xwendekaran jî nexweşxaneyan



derketine û çûne malên xwe.

Qeymeqamê Farqînê "Veysel Beyru" ragihand ku 325 xwendekar li dibistanê hebûne û wan piştî xwarina nîvrojê dest gilî kirine." Tê ragihandî ku zarokan li dibistanê mirîşk, bilxur û şêranî xwarine. Heta niha di rewşa tenduristiya zarokan de talûkeyek tune, lê qeymeqam Veysel Beyru dibêje wan hejmara doktoran zêde kiriye."

Îranê Pileya Duyem Li Warê Îdam Di Cîhanê De Tomar Kir

Roja 10'ê Desamberê (19'ê Sermawezê) Roja Cîhanî ya Mafê Mirovan e. Bi vî boneyê çalakên mafê mirovan, Rêxistin û navendên mafê mirovan cehd û xebatê dikin di welatên ku li vî derheqê de kêmasî hene û mafê mirovan tê Pêşeskirin, jî cîhanê re bidin nasandin. Îraniyan jî li derveyî welat gelek xwenîşandan lidarxistin û cinayetên Komara Îslamî bi cîhanê re nîşandan.

Dr. Behram Bêygdilî, berpîrsê koma

Berevanî jî girtiyên siyasî di hevpeyvîneka bi Dengê Amerîkayê re da zanîn ku jî 198 welatên cîhanê, 138 welatan cezayê îdamê hilgirtine, lê 60 welat hêj birêve dibin.

Wî herwiha da zanîn ku di sala 2005'an de li Îranê 106 kes hatine îdamkirin û di sala 2006'an de jî heya niha 130 kes hatine îdamkirin ku piraniya wan girtiyên siyasî bûne û her du salan jî Îranê piştî Çînê, pileya duyem tomar kiriye.



Derewzanîna Nûçeyê Ajansa "Peyamnêr"ê

Roja pêncşem, 07.12.2006'an, Ajansa Nûçeyan ya "Peyamnêr"ê nûçeyek weşand ku endamên Bakûra Rohilatê Kurdistanê ku weke baskê **Şimalê** hatine naskirin, di daxuyaniyekê de ragihandine ku sêyemîn bask ku jî Partiya Demokart cuda bûne û li bin navê Partiya Demokrat ya Kurdistanê Îranê (Ararat) dest bi rêxistin û organîzekirina xwe kiriye.

Em di vî derbarê de hemû aliyekê agehdar dikin ku tiştek bi vî navî ne li berê û ne niha jî ji me re naskirî nine û ev pîrse tu pêwendiyek bi PDK Îranê nine û ew kesên ku ew daxuyaniye dane Ajansa "Peyamnêr"ê, endamên PDK Îranê nebûne.

Pilana Şandina Madeyeke Xeternak Bo Herêma Kurdistanê

Kurdistan
Raport – Egera
hinartina
madeyê
xeternak û çihê
tîrsê bi navê
KRAKê jî bo
herêma



Kurdistanê di holê de ye.

Li doma siyasetên welatên cîran derheq Herêma Kurdistanê, rejîma Îranê madeyêk bêhişker û pir bixeter bi navê "KRAK"ê li herêmên Kurdakincî yên Kurdistanê Îranê de belav kiriye û zaniyarî eşkere dikin ku pilaneke darêti bo veguhastin û anîna vî madeyê bo herêma Kurdistanê azad di holê de ye.

Girûpek jî qaçaqxçiyên madeyên bêhişker zêdetir ji 50 kîlo jî "KRAK"ê bi merema veguhastinê bo herêma Kurdistanê anîne bajarên sersînor ên herêma Kurdistanê.

Çavkaniyan îşare bi vî kiriye ku ev madeyê li bajarên Şîno, Pîranşar û Serdeştê bi kar hatiye û çend haletên vî nexweşiyê haitne dîtin. Ev madeyê zor giran û buhadar e û dûkeleke sipî weke ya cixarê heye û nîşaneyên vî nexweşiyê bi zûyî li ser kesê/a bikarhîner eşkere dibin.

Çavkaniyên bizîşkî didin zanîn ku madeya bêhişker a "KRAK"ê bi awayekî lezgin kar jî malên mejî dîke û ger carekê bihê bikaranîn, cihên hesas û hestiyar yên mirov tûşî xuriyanê dîke û diverînt û piştî salek jî bikaranîna wê, mirov dike.

Di Hinek Cixareyan De "Polonium 210" Heye

Piştî
lêkolîna
zanyarên
Akademiya
"Vlaam" a
Qraliyeta
Beljîkayê,
derket holê ku
madeya



radyoaktîf "polonium 210" ya ku jî bo kuştina ajanê rûsî "Alexander Litvinenko" hatibû bikaranîn, di hinek cixareyan de jî heye û ev maddeyê ku dibe sedemê nexweşîna bêwext a dil û nexweşîna qanserê.

Li gorî lêkolîna zanyaran a li ser mîz û xwîna hinek cixarekêşan, derketiye holê ku ev madeya radyoaktîf a bi navê "polonium 210", ne tenê xesarê dide cigerê, herweha dikare bi hêsanî tevî xwîna meriv jî dibe. Biqasî zereyê madeya radyoaktîf "polonium 210" a ku bi hêsanî dikare bikeve hundirê meriv, weke sedemê nexweşîna dil, nexweşîna cigerê reş û a sipî û nexweşîna kîsîka mîzê tê nîşandan. Lê tê gotin ku gramek jî vî madeyê dikare bibe sedemê mirina 50 milyon merivan û 130 gram jî dikare bibe sedemê mirina hemû merivên li rûyê erdê.